

元宗

竹居跋廬

全唐文 卷三十八之四

五

竹居

金唐文

欽定全唐文卷三十八目錄

元宗

十九

停潁王等節度誥

降永王璘爲庶人誥


贈張九齡司徒誥

令郡縣采奏孝弟誥

冊元獻楊太后誥

答皇帝讓尊號誥

答皇帝上尊號誥



再答皇帝上尊號詔

答皇帝上尊號并讓大聖字詔

答皇帝三上尊號并辭大聖字詔

賜皇帝進燒丹竈詔

答皇帝表謝宣示進丹竈詔

遺詔

受禪告南郊文

聖祖大道元元皇帝加號冊文

高祖神堯大聖皇帝加諡冊文

太宗文武大聖皇帝加諡冊文

高宗天皇大聖皇帝加諡冊文

中宗孝和大聖皇帝加諡冊文

睿宗元真大聖皇帝加諡冊文

光天文武大聖孝感皇帝加號冊文

冊諡殤皇帝文

冊諡讓皇帝文

冊郢王爲皇太子文

冊惠莊太子文

冊惠文太子文

冊忠王爲皇太子文

冊交河公主文

冊建平公主文

冊臨晉公主文

冊眞陽公主文

冊興信公主文

冊樂成公主文

冊壽光公主文

冊平昌公主文

冊廣寧公主文

追冊讓皇帝故妃元氏爲皇后文

冊壽王楊妃文

冊榮王鄭妃文

冊永王侯莫陳妃文

冊榮王薛妃文

冊濟王崔妃文

冊信王盧妃文

冊陳王韋妃文

冊壽王韋妃文

冊廣平郡王崔妃文

冊涼王張妃文

冊東海神爲廣德王文

冊壽王張妃文

冊壽王張妃文

冊壽王張妃文

冊壽王張妃文

欽定全唐文卷三十八

元宗

十九

停潁王等節度誥

鑿門命將授鉞專征仗以方面之威執夫賞罰之柄邦家
重任固實在茲潁王永王豐王等朕之諸子早承訓誨琢
磨詩書之教佩服仁義之方樂善無厭好學不倦頃之委
任咸緝方隅今者皇帝即位親統師旅兵權大略宜有統
承庶若振綱惟精惟一潁王以下節度使並停其諸道先
有節度等副使並令知事仍並取皇帝處分李峴未到江

陵永王且莫離使待交付兵馬了永王豐王赴皇帝行在

永王璘爲庶人誥

臣子之節君親是奉或志懷干紀當義在滅私蓋前王所以持法割恩垂涕行戮言念及此歎息彌深頃以凶孽亂常關畿暫阻朕乘輿南幸遵古公避狄之仁皇帝受命北征興少康復夏之績猶以藩翰所寄非親莫可永王璘謂能堪事令鎮江陵庶其克保維城有裨王室而乃棄分符之任專用鉞之威擅越淮海公行暴亂違君父之命旣自貽殃走蠻貊之邦欲何逃罪據其凶悖理合誅夷尚以骨

肉之間有所未忍皇帝誠深孝友表請哀矜雖解綬全體
禮可行於曩制而削土勿王義亦著於前史昔廣川有罪
因廢爲人常山免誅爰將徙地是用矜其萬死屈此九刑
宜寬伏鎖之命俾黜析珪之典可悉除爵土降爲庶人仍
於房陵郡安置所由郡縣勿許東西朕存訓誘勗之忠孝
不虞孱懦遂至昏迷申此典章彌增媿嘆

贈張九齡司徒誥

正大厦者柱石之力昌帝業者輔相之臣生則保其榮名
歿乃稱其盛德飾終未允於人望加贈實存乎國章故中

書令張九齡維嶽降神濟川作相開元之際寅亮成功謹
言定於社稷先覺合於著龜永懷賢弼可謂大臣竹帛猶
存樵蘇必禁荊州之贈相府未崇爰從八命之秩更進三
台之位可贈司徒仍遣令使就韶州致祭者

令郡縣采奏孝弟誥

至和育物大孝安親古之哲王必由斯道朕往在春宮嘗
事先后問安靡闕視膳無違及同氣天倫聯華棣萼居嘗
共被食必分甘今皇帝奉而行之未嘗失墮每有銜命而
來戒途將發必肅恭拜跪涕泗漣沔左右侍臣罔不感動

間者抱戴赤雀白狼之瑞接武薦臻此皆皇帝聖敬之符
孝友之感也故能誕敷德教橫於四海信可以光宅寰宇
永綏黎元者哉其天下有至孝友弟行著鄉閭堪旌表者
郡縣長官採聽聞奏庶孝子順孫沐於元化也

冊元獻楊太后誥

聖人垂範是推顧復之恩王者建極抑有追尊之禮蓋母
以子貴德以謚尊故妃宏農楊氏特稟坤靈久釐陰教往
以續塗山之慶降華渚之祥誕發異圖載光帝業而冊命
猶闕幽靈尚閔夏王繼統方軫陽城之恩漢后褒榮庶協

昭靈之稱宜於彼追冊爲元獻太后

答皇帝讓尊號詔

昊穹垂佑宗社發祥爾往在髫年素彰岐嶷洎乎問寢日
增孝敬吾久勤庶務常奉至真特好清虛尋將付託爾以
華戎銳一掃定神州功乃格天德惟邁古是用受茲國寶
加以大號典章斯集喜慰盈懷實謂道應前王何以志在
讓禮克光丕業以副至公即斷來表

答皇帝上尊號詔

汝孝以奉親明以御宇上從君父之命下順黎元之欲旣

宏茂寔爰副崇名千古攸高百王是式載循章奏喜慰可
知予志每集虛心嘗遺炤方契真宗之旨豈云稱號之榮
汝就養無違歸尊有裕載獻從龜之吉復當乙巳之辰已
備典章當依來請

再答皇帝上尊號誥

三朝問禮五讓丕圖用殷后之師載戡牧野同周王之步
來入鎬京美暎縑緗功侔造化命之守器加以鴻名掃厄
運而有融當樂推而難拒予棲神道要養志真元邦家乂
寧自多愉悅

答皇帝上尊號_上讓大聖字誥

天地肇啟皇王聿興故三王垂御圖之迹典墳著牧人之
要爰立邦家其來尚矣予承百王之遐運繼五聖之不業
亭育區宇寵綏蠻夷罔不率從多厯年祀頃者姦臣煽禍
中原搆釁汝睿略懸於兩曜鴻勲格於九天終古莫儔上
天是賴故加之大聖建以崇名用膺多福何所與讓予夙
達元妙遠寄真宰凝神澹泊足可自怡至於宗廟陵原常
展慶矣郊禋豫動固陳儀焉方期仙於上境已遺榮於中
域汝欲歸尊於父實在因心爰及朝臣亦同懇願且無爲

於沖漠又何取於徽名宜悉此懷用全至道耳矣

答皇帝三上尊號並辭大

誥

道高者必傳其迹德著者必享其名汝廓淨妖氛載安社稷萬靈式敘豈非大乎兩儀交泰豈非聖乎吾所以親受寶符自題徽號寧惟對於列辟諒已聞於率土渙汗之出理不可收絲言之行事必有在將固撝謙之道是違億兆之情天地神祇未以爲當宜膺景命即斷來章

賜皇帝進燒丹竈誥

孝感之極通於神明傳於前史迹罕彰灼今日之事不其